



Pou Piblikasyon Imedya: 21/09/2023

GOUVÈNÈ KATHY HOCHUL

GOUVÈNÈ HOCHUL ANONSE JOUNEN LAPÈCH GRATIS NAN DAT 23 NOVANM NAN

Nou ankouraje Nouyòkè yo pou yo eksplore opòtinite toupre lakay yo pandan jounen lapèch lib nan dlo dous yo

Jodi a Gouvènè Kathy Hochul te ankouraje Nouyòkè yo pou yo pwofite de senkyèm Jounen Lapèch Lib nan ane a nan dat 23 septanm lan, lè Eta New York egzonere egzijans pou gen lisans pou peche nan dlo dous la. Yo konsidere lapèch kòm youn nan aktivite anplennè ki pi terapeutik, sa ki fè li se yon aktivite ideyal pou tout Nouyòkè soti deyò epi pran plezi nan aktivite deyò yo.

"Pase tan nan dlo klas mondal New York yo se youn nan pi bon fason pou amize nan dènye jou ete yo", **Gouvènè Hochul te deklare**. "Jounen, klinik lapèch lib New York ak lòt opòtinite yo pou konekte ak lanati bay Nouyòkè yo ansanm ak vizitè yo menm jan opòtinite pou jete filè yo epi pwofite de bote natirèl abondan nou jwenn nan chak kwen nan Empire State la".

Komisè Depatman Konsèvasyon Anviwònmantal (Department of Environmental Conservation, DEC) Eta New York la Basil Seggos te deklare, "Jounen Lapèch lib yo se moman pafè pou pechè sezonye yo entwodui opòtinite lapèch abondan Eta a bay fanmi, zanmi, ak vizitè yo. Moun ki fèk antre ak veteran yo gen yon chans pou eksperimente lak dlo dous, rivyè, ak flèv nou yo epi aprann espò lapèch la."

Pwogram jounen lapèch lib New York la te kòmanse an 1991 pou bay moun ki ta ka pa peche pwason yo yon chans pou yo eseye espò anrichisan sa a gratis epi dekouvrir yon nouvo pastan. Opòtinite gratis sa a ankouraje moun sipòte jesyon lapèch nan dlo dous Eta a lè yo achte yon lisans lapèch nan Eta New York.

Jounen Lapèch Lib la kowenside ak Jounen Lachas ak Lapèch Nasyonal la, ki te deziyen an 1972 pou ankouraje moun fè eksperyans, konprann, epi apresye espò ak lwazi anplennè tradisyonèl yo ak resous natirèl abondan nou yo, epi rekonèt chasè ak pechè yo pou lidèchip yo nan prezèvasyon pwason ak fòn lan.

DEC ap reyalize tou [24yèm Jounen Familyal Pòt Ouvè anyèl nan Salmon River Fish Hatchery](#) samdi 23 septanm soti 9 a.m. jiska 3 p.m. pou selebre Jounen Nasyonal

Lachas ak Lapèch la. Salmon River Fish Hatchery sitiye nan 2133 County Route 22, Altmar, Konte Oswego. Yo ankouraje tout moun patisipe, ke gen lapli oswa bo tan, epi admision an gratis.

Dènye [Jounen Lapèch Lib](#) 2023 a ap fèt nan dat Jounen Ansyen Militè yo le 11 novanm. Pandan jounen yo deziyen kòm Jounen Lapèch Lib sa yo, rezidan ak moun ki pa rezidan yo gen otorizasyon pou peche gratis nan dlo dous san yon lisans pou lapèch.

Depatman Konsèvasyon Anviwònmantal (Department of Environmental Conservation, DEC) Eta New York la ak patnè li yo ap òganize tou klinik lapèch gratis pandan ane a. Anplis aprantisaj sou opòtinite lapèch lokal yo, yo aprann patisipan yo sou pwason yo ka trape, kijan pou yo lanse kàn pèch yo, sekirite lapèch, jesyon resous akwatik ak règleman lapèch yo. Evènman k ap vini yo se 24 septanm nan Jones Beach, 9 oktòb nan Far Rockaway, ak pifò samdi yo jiska 28 oktòb nan Vil Long Island. Nou kapab jwenn lis konplè klinik yo sou [sitwèb](#) DEC a. Verifye lis la regilyèman amezi y ap ajoute lòt evènman ladan pandan tout ane a.

Y ap raple moun k ap patisipe nan jounen lapèch lib yo ke byenke moun pa bezwen lisans pou yo peche pwason nan dlo dous pandan jounen lapèch lib yo, tout lòt règleman lapèch yo rete an vigè. Pou pechè debitnan ki enterese kòmanse yo, [Gid sou lapèch nan dlo dous pou debitnan I FISH NY](#) la bay enfòmasyon sou tout bagay soti nan fason pou manevre yon kàn pèch rive nan idantifikasiyon priz la ak konpreyansyon règleman lapèch yo. [Sitwèb sou kote pou peche](#) DEC yo se yon sous enfòmasyon fyab pou sila yo k ap planifye pwochen soti lapèch yo.

Ane pase, DEC te ajoute yon nouvo fonksyonnalite nan aplikasyon ofisyèl [HuntFishNY](#) la, ke yo rele "The Tackle Box". Règleman lapèch, aksè nan lapèch ak enfòmasyon sou estokaj yo tout disponib nan aplikasyon an anndan yon entèfas ki baze sou yon kat apati telefòn entèlijan ou. Lòt fonksyonnalite yo gen ladan direksyon pou kondui pou ale nan sit pou aksè ak lapèch Eta a opere ak yon fonksyonnalite ki pa bezwen konekson ki pèmèt itilizatè yo jwenn aksè lè pa gen konekson ki disponib pou selilè yo. Aplikasyon HuntFishNY la disponib pou telechaje sou Google Play ak App store. Pou plis detay vizite [sitwèb DEC a](#).

Biwo Lapèch DEC la rekonèt priz gwo pwason, sa gen ladan rekò Eta a atravè Pwogram Prim pou Akonplisman Pechè a. Nou ankouraje pechè yo ki trape yon gwo pwason ane sa a pou yo enfòme DEC. Vizite [sitwèb DEC](#) a pou règleman pwogram yo, ki enkli longè ak pwa ki kalifye yo.

###